



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno DCCCCX. ad annum MLXXIII.

Parisiis, 1644

Concilium Rhemense, In Quo Theobaldus Episcopus, Ambianensis ecclesiae vsurpator, excommunicatus est, praesidente Stephano diacono Benedicti VII. papae legato, celebratum anno Christi DCCCCLXXV.

urn:nbn:de:hbz:466:1-15625

ANNO
CHRISTI 1
975

CONCILIVM RHEMENSE,

IN QVO THEOBALDVS EPISCOPVS,
Ambianensis ecclesiæ vsurpator, excommunicatus est,
præsidente Stephano diacono Benedicti VII. papæ le-
gato, celebratum anno Christi DCCCCLXXV.

*Epistola Adalberonis Rhemensium archiepiscopi, & Stephani
Romani diaconi, ad Theobaldum episcopum
Ambianensem.*

INVETERATE dierum malorum, vide quid lucri tua tibi
contulit absentia, nostra vt abutaris patientia, contem-
ptor legum diuinarum atque humanarum: sedem aposto-
licam appellasti, nec adisti. Literas pecunia & mendacio
tuo Romæ editas a te accepimus xiv. Kalendas Augusti,
plusculum in te quam pro te continentes. Cui Synodo nec
interfuisses, nisi interposita conditione reseruandi honoris:
quod abesse fuit, non adesse. Cur latitas? Cur sanctā Syno-
dum fugis? Ei quæ acta est v. Nonas Iulias exhibere te no-
luisti; & præsentem, quæ denuntiata est agi viii. Kalendas
Octobris, interesse recusas. Conuenerunt pro te reueren-
di medici, qui morbos tuos optime nouerint, tyrannicam
scilicet vim qua infulatus es contra regium velle, ac illum
tuum pseudoarchiepiscopum cum episcopis excommuni-
catis, qui suarum manuum impositione velut quodam con-
tagio te infecerunt. Et quoniam iudicio domni Benedicti
VII. papæ in Synodo, qua Bonifacius damnatus est, incurabi-
lis repertus es, nec eius filius Stephanus sanctæ Romanæ
ecclesiæ diaconus mederi tibi præualet, velut morbidum
& morbosum hircum separamus te a grege dominico, &
ex auctoritate Omnipotentis, & sanctæ Mariæ, sanctique
Petri principis apostolorum, damnamus te, & excommu-
nicamus, sacrisque liminibus ecclesiæ arcemus, vsque ad
veram tui recognitionem & dignam satisfactionem.

SVBSCRIPTIONES.

Ego Stephanus sanctæ Romanæ ecclesiæ diaconus ad vicem
domni Benedicti papæ VII. huic statuto præfui & præscripsi.

Concil. Tom. 25.

Bb

Ego Adalbero sanctæ Rhemensis ecclesiæ archiepiscopus interfui
& firmaui cum reliquis.

ANNO
CHRISTI
975.

NOTA IACOBI SIRMONTI
SOCIETATIS IESV.

² *Concilium Rhemense.*] Sententiæ huius exemplum ex veteri libro descriptum Andrea Quercerani diligentia debemus. Annum autem ex coniectura illum adscripsimus, quo constabat damnatum a Benedicto VII. pulsūque ab apostolica sede quam inuaserat Francōnem, qui Bonifacius dicebatur. Theobaldum porro ante annos fere triginta episcopum Ambianis ordinarat Hugo pseudoarchiepiscopus Rhemensis. Quam ob causam excommunicatus iam fuerat in Synodo Treuirensi, cui Marinus legatus præfuit anno 949. & nunc iterum eadem sententia percellitur.

CONCILIVM VVINTONIENSE

SVB SANCTO DVNSTANO CANTVARIÆ
archiepiscopo in interstitio regnorum Edgari & Ed-
vardi martyris regum celebratum.

In quo dum acerrime contenditur de clericis uxoratis monachisve præferendis, imago dominica pro monachis dicitur elocuta, & controuersiam protinus diremisse, præsentibus Edgardo rege cum sua coniuge, sancto Dunstano archiepiscopo Cantuariæ, cum ceteris episcopis, abbatibus, &c. Elfero principe Merciorum, Ethelvvino duce orientalium Anglorum, Elfvvaldo suo germano, Brithnotho comite, cum nobilitate totius regni.

DE hoc Concilio hæc Binius e Baronio: Dum Angliæ clerici non satis probatæ vitæ opera principum & optimatum abbates eorumque monachos optime vjentes e monasteriis ab Ethelvvvaldo Vvintoniensi episcopo aliisque regibus & viris pie fundatis eiecissent, eorumque bona inuasissent, delatum est negotium ad Dunstanum Cantuariensem episcopum, qui Synodum apud Vvintoniam congregauit, in qua circa medium vtriusque partis disputantis conflictum, *inquit Matthæus Vvestmonasteriensis*, imago dominica, quæ altercantibus astabat in ecclesia, expresse locuta ita allegatur: Non fiet, non fiet: iudicatis bene, male mutaretis. Quare *(inquit idem Matthæus)* clerici omnesque eorum fautores elingues redditi nullam deinceps monachis controuersiam mouerunt.